

蘄水縣志卷之十一

知蘄水縣事多祺纂輯



人物志

忠烈傳

經曰士見危授命又曰以死勤事則祀之蓋所欲惡甚於中而剛正之氣遂值千古而不頗故或從容以全節或慷慨以殺身所趨不同要其取義成仁則一也蘄自元明歷今五百年間以忠烈傳者十有三人

蘄水縣志

卷之十一

忠烈

回真匹夫不可奪志也

元

李清七清八兄弟也性剛毅謹禮好義俱以標梧英邁聞元順帝至正十一年徐壽輝陷蘄水人多脅從清七兄弟以爲耻匿鄉人吳伯通家不出賊怒大索得之兄弟歷陳大義堅抗不出賊縛於薛湖東畔之樹殺之鄉人皆曰義士也有司以其有功名教立廟於河中之太公石時致祭焉

舊志

明

王聰城山間鄉人性謹畏有膂力時孟家山產野馬蹏
嚙不可近聰獨能控馭之善飲啖以兼人之力擔貨
貿易博一飽後荷大鐵具乘馬入行伍間洪武末從
軍至北平靖難兵起以燕山中護衛百戶從起兵取
薊州攻遵化徇涿州轉任荏平滑口破南軍獲馬千
五百還守保定從次江上畧南軍舟濟師累遷都指
揮使封武城侯祿千五百石偕同安侯火真備禦宣
府屢詔巡邊從邱福出塞戰死年五十三追封漳國
公諡武毅子炎嗣聰及李遠嘗諫福故得褒卹語見

蘄水縣志

卷之十一

忠烈

二

邱福傳

按明史邱福傳先是本雅失里殺使臣郭驥上大
怒發兵討之命福佩征虜大將軍印克總兵官武
城侯王聰同安侯火真為左右副將靖安侯王忠
安平侯李遠為左右叅將以十萬騎行上慮福輕
敵諭以兵事須慎重自開平以北即不見寇宜時
時如見敵相機進止不可執一一舉未捷俟再舉
已行又連敕謂軍中有言敵易取者慎勿信之福
出塞帥千餘人先至臚胸河南遇游騎擊敗之遂
渡河獲其尙書一人飲之酒問本雅失里所在尙
書言聞大兵來惶恐北走去此可三十里福大喜
曰當疾馳擒之諸將請俟諸軍集偵虛實而後進
福不從以尙書為鄉導直薄敵營戰二日每戰敵
輒佯敗引去福銳意乘之遠諫曰將軍輕信敵間
懸軍轉鬪敵示弱誘我深入心不利退則懼為所
乘獨可結營自固晝揚旂伐鼓出音兵與挑戰夜
多燃炬鳴礮張軍勢使彼莫測俟我軍畢至解力

攻之必捷否亦可全師而還始上與將軍言何如而遂忘之乎聰亦力言不可福皆不聽厲聲曰違命者斬卽先馳麾士卒隨行控馬者皆泣下諸將不得已與俱俄而敵大至圍之數重聰獨戰死福及諸將皆被執遇害一軍皆沒敗聞上震怒以諸將無足任者決計親征奪福世爵徙其家海南

呂鏞宣德丙午舉於鄉授萬安教諭陞河南宣陽令有

政績調福建清流令流寇鄭茂七寇清流邑無城郭鏞拒之力不能支具服端坐庭中抗罵不屈賊怒殺

之支解其體清流人哀其忠節立廟祀之後從祀鄉

賢 舊志

鄧祖禹字又元家貧而負氣慷慨不耐與里中細人伍

蘄水縣志

卷之十一

忠烈

三

每傲視之以是每來細人之咻勿顧也舉萬歷四十七年武會試授瀋陽守備嘗出戰中矢死夜半復甦創甚告歸崇禎初起宣府游擊入衛京師副將申甫軍沒祖禹力戰蘆溝橋擢涿州叅將疏請召對不許入朝上書聲甚厲爲御史所糾下獄然帝頗採其言久之赦出爲辰沅叅將禽苗曾飛天王張五保斬首千五百級夷其巢擢副總兵轄德安黃州攻賊土壁山盡掩所獲爲已有當事將劾之請勦寇自贖乃令援應城是時祖禹駐孝感將往援孝感人泣畱曰兵

一動城必不可保祖禹因留兵一半守孝威率七百
人入應城賊大至圍之數重血戰自辰至酉僅餘七
八十人祖禹突圍保西城外賊復圍之遂被執賊愛
其驍勇說之降怒罵不屈賊言之再三復罵之曰若
此須換却心肝賊笑曰換不難遂剖心肝而死子天
源天河覓屍以鬚長可識得歸骨先隴應城人祀之

參明史

邑劉志云萬歷已未邊事殊急武場會榜竣矣議者疏請精選將才科武進士一榜數十人禹與焉今按明史選舉志中萬歷之末科臣又請特設將材武科初場試馬步箭及鎗刀劍戟拳博擊刺等

蘄水縣志

卷之十一

忠烈

四

法二場試營陣地雷火藥戰車等項三場各就其兵法天文地理所熟知者言之報可而未行故注祖禹出身仍遵明史本傳

程為常徐玉蘭蔡巨人胡方壺徐用極由武科舉知兵
有氣節崇禎十年春流寇不時困城下邑令設里兵
每里出資募壯丁一人共五百八十人守城以五人
主五營三月十七寇至新橋為常將兵襲賊為賊所
殺越二十七日徐玉蘭等四人復與賊戰於叢山寇
多兵少殺傷甚眾四人死令為立五義士祠手書額
以祀之更申詳兩院具題兼請學憲高各給祠生一

人以供俎豆祠在城隍廟側爲逆獻燬今棲其神於廟之右廡庭前

程九萬字翼雲天啟恩貢初令信宜著有循績卓異丁內艱服闋起補興安州牧崇禎十三年以兵荒民逋謫池州府知事十七年署篆東流縣順治二年四月初七日左良玉叛將楊么兒破縣九萬死之妻汪氏第九鼎九觀夫婦同殉邑人哀其一門忠節收而葬

之祀名宦

江南東流縣志

按九萬死城之事舊邑志郡志通志俱闕未載乃前郡守關中王勅於乾隆十四年修郡志得之江

蘄水縣志

卷之十一

忠烈

五

南名宦通志其姪曾孫梅士錦復得之東流縣志始知殉難之月日及其夫人兄弟嗟乎以死城之大節而本地不知則凡隱德幽光埋沒於荒城蔓草者可勝慨哉是故搜討之功所宜亟也士錦本姓程以前人從姑姓

李師淵崇禎元年武進士授京營把總累任陝西固原州遊擊時右叅政陸夢龍守固原慷慨好談兵以廓清羣盜自負七年夏賊來犯擊却之閏八月初一日賊陷龍德縣夢龍率師淵等禦之賊初不滿百已而大至矢石如雨突圍不得出夢龍與師淵等大呼奮擊遂俱戰死男之芳孫巍峻俱庠生曾孫琮以歲貢

任武昌縣訓導

程正秩字維明力勇善射中明萬歷癸卯戊午兩科武舉授邑營官擢本府團練崇禎十六年三月流寇逼城力戰死

國朝

官撫渙字萃之國學生順治初令會稽時郡守持法太峻渙請少需之弗聽民乃揭竿殺郡守及隣邑官不忍及渙渙抗節數日並遇害事聞

賜祭葬

蘄水縣志

卷之十一 忠烈

贈按察司僉事錄其子純心

賜名存均入監讀書 通志

高有功明經子才子幼時獻賊掠去及長遂籍山東

國初以才能授守備駐劄肇慶復防守海南九江鎮康熙十八年署廣東虎門協右營都司號令嚴肅征勦海寇血戰死十九年

贈廕二十一年

賜祭葬子二僑寓肇慶

參通志 總計十
傳 計二十八

武勳 武科附

古者春夏干戈秋冬羽籥文事武備並重焉自文武分途而材不逮古我

朝經緯具舉張弛互用蘄士囊韜智畧冒險阻以樹竒勳被服儒雅藏鋒距以邁壯趾干城之選腹心之寄屹然足恃焉

元

薛天定生宋末會盜起里人推爲郡長募義保障寇不敢深入元世祖下江南手詔召拜爲防守撫郡按伏

蘄水縣志

卷之十一

武勳

七

官尋擢先鋒使從平閩定廣下越取淮功勳益著遷滇萬戶府總管轄漢番兵馬使經畧邊疆再遷兩淮防禦都招討總鎮江南上護軍嘗病語曰吾當臨陣死公事安能居牖下死兒女手也英宗至治三年寇至淮力戰卒於軍事聞遣中使護喪贈總帥諡威武賜其家楮帛子楚卿襲總管漢卿領仁宗延祐進士高第授館博士

舊志

明

薛徵天定之孫廕父楚卿爵當紅巾叛授兩淮水陸都

統制提督江南兵馬總理軍國事徵髮上指搯腕勤
王募兵秦淮間爲王師內應遇明高皇帝渡江大雷
雨弓膠盡解人馬蹶躓密授知者移檄諷降不就尋
遣左司郎中吳明遠賫手詔召徵徵望江邊王氣奮
臂曰得毋真主出乎遂跳驅渡江從太祖帳中屏語
大悅令叅知幕府畫奇策屢中及下吳破金華意得
重臣鎮之非徵亡與者遂督金華軍事舊志
魯毅定番衛指揮洪武中月魯帖木兒反攻圍城池時
新設衛百度未舉毅運謀撫衆與士卒同甘苦晝夜

蘄水縣志

卷之十一

武勳

八

拒守伺賊怠擊破之圍始解陞遼東都指揮使

四川甯遠

名宦志

又按明史毅率精騎出西門擊賊賊衆大集毅

且戰且却復入城拒守賊圍城毅乘間遣壯士王旱
突入賊營砍賊賊驚遁

文質字東進善騎射有異材由嘉靖間會試第一任錦
衣衛都督子應詔由進士任錦衣衛都督僉事父子
二人一封昭義將軍一封昭勇將軍應科武魁光印
之貞等乃其後裔也

按舊志於科名封諡俱未攷實今從明史選舉職官二志核明

詳見
瑩墓

附

楊先春膂力絕倫有大盜數十人劫其家先春以隻手托磨盤盛茶飲盜盜驚去又嘗與盜較騎射揚鞭走馬於樹下已而伸手抱樹以雙足夾馬馬懸空中不得逞盜笑而去又嘗隻手舉礮穀硤石置樹極上戲佃者具雞黍以爲笑蘄州大同鄉紅旂賊亂集衆數千人據羊角尖當事檄先春督勦拔樹爲挺賊聞胆喪殲其渠魁後隨征麻陽洞有功予以官辭不受里人至今呼楊健八云

舊志

蘄水縣志

卷之十一

武勳

九

程鑿字君鼎崇禎末爲蘄州衛守備佐州牧增堞鑿壕團練編戶禦寇有方

國朝

易應試字希臺

國初以軍功爲閩省遊擊駐防上杭順治五年隣邑武平所轄鴛鴦寨界接悅洋招屯賊黨千餘與高吳土寇合夥勾引廣賊屯扎水陸要衝焚掠地方截劫商旅蓋欲阻絕杭米而積集以應賊也是時妖氛四起變生倉卒汀杭之不通者浹旬矣應試因漳南道移同

張遊擊陳上杭畫計勦賊於四月十四夜五鼓領所部會中軍李應華統道標壯兵及上杭鄉勇同時進勦賊寨踞山巔道路險峻兼天雨難行公奮臂一呼諸軍鼓勇從兩路直上砲石交下鄉兵林榮富爲賊銳傷公與張遊擊冒矢石先登親斬賊魁陳儀元等諸將繼進斬獲甚衆掃平賊寨疏通道路乃建義塚以收遺骸發鹽賑濟招撫流亡歷有勞績以終養歸寄居鄂城至康熙四十年其孫易某歸巴河居焉

冷文瑞字錫五本姓瞿父凝端居邑之阜城門外與糧

蕪水縣志

卷之十一

武勳

十

倉近祁陽冷成鶴在縣幕司倉廩出納夜夢黑虎遶倉楹間晨往見文瑞在與夢符因丐其父爲己子時年尚幼也携歸祁陽教之學後家漸窘俾務農每有輟耕太息意潛往粵西柳州籍營伍起身千總遣人迎成鶴成鶴盼子久欣出望外自是終養官署自喜得驗所夢後以保舉引

見授

御前侍衛外補江南狼山鎮標都司遣弁丁致書來邑迎本生父凝端至署孝養備至陞貴州安籠鎮遊擊逢

覃恩授明威將軍 封贈二代便道歸里省墓邑人咸異之
游歷黔省都勻撫標大定參副多著勞績

特授貴州鎮遠鎮總兵官鎮當衝要又苗疆新服整飭撫綏
兵民德之署安順提督凡所部署壁壘爲之一新權
古州鎮總兵官古爲瘴地文瑞素知醫時瘴疫甚行
心憫之令病者昇至署親診視捐藥資多所全活因
染時疫卒妻馮氏亦於是日卒於鎮遠鎮官署子逢
泰扶柩歸葬祁陽文瑞爲人偉岸材武絕倫性慈祥
恭儉居提鎮布衣蔬食自如然損己益人見善必爲

蘄水縣志

卷之十一

武勳

十一

則惟日不足故歿後聞者多爲流涕長子逢泰以廣
西鬱林州佐權隆安令歿於官其妻王氏携二子歸
來居邑清水港次子逢春仍居祁陽嗣冷姓

附

徐本任字仲倫幼失怙卓然自立年十八入本邑文庠
五試棘闈不售康熙甲午遵例由文生得入武闈中
本科武舉任江南滁州衛領運千總督糧滁蘓奉公
勤敏趨運無停嚴束旗下沿途守法歷有勞績大憲
深獎異之以年逾六旬告歸著有賦巖小草以子立

正貴贈昭武大夫

徐本信字傑倫五歲失怙幼而勤學私作文數十首師見竒之洎長典贍雄傑書逼晉法每篝燈夜讀達曙寒甚置爐足下火蒸衣及半不覺久之慨然曰丈夫志在萬里班定遠非人乎乃偕兩弟試馬山南落月淒風荒燐古墓與篝燈不寐等也一出冠其曹鄉會聯捷竟歿京邸先是季弟本僊以詩送行有畱連暮雨憐人別西風不斷長相思之句至是嘆曰前詩識也長材駿足未展所用士論惜之子立行另傳

邵志參新

蘄水縣志

卷之十一

武勳

三

增

徐本修字佐倫雍正丙午舉人性慤直事親純篤兄弟友朋間一惟真樸抱隱德崇俠義多智慧經理戶事親疏大小罔不咸服生平義利兩字辨之尤悉有因族公事以暮金致者峻拒之兩上兵闈勉慰親志丁內艱後卽絕意名場嘗曰昔馬少游云人生守父母邱墓鄉里稱善人足矣自此治家課子優游壽終著有履軒集若干卷

方雄字冠雲武科成德之子幼穎悟通六藝其父因少

習韜鈴未伸厥志每課督甚相期望雄偶從童子試
習騎射遂獲雋中雍正乙卯鄉科然其所嗜嘗在詩
書也工詩尤善集唐人句著有草堂稿乃未獲假年
士林惜之子修承國學生以上邵志 總計一
十二傳 計十三人
駱尙賓字彤獻中康熙戊子鄉試狀貌魁梧風裁磊落
歷任本省永州遠安兩地城守營制軍楊深器重之
旋擢廣東高州右營中軍守備紀律嚴肅逢

覃恩授明威將軍防海十有餘年邊境安緝軍民和協陞
都司僉書題署龍門協副將印務時其母楊恭人年
逾八十賓援例呈請終養

新水縣志

卷之十一

武勳

十三

恩允告歸粵東宦達爭獻詩章父老各擎酒食餞之其德
澤及人有如此者子文璧另傳

駱文琮字珍璜 封明威將軍孚獻長子也少能文善
騎射尤工樂毅論小楷康熙癸巳舉於鄉由江西南
昌衛隨幫千總陞授江南興武衛守備加陞都司僉
書前後凡十餘年官方秩然累著勞績其弟文瓊性
穎悟耽詩酒善丹青年十九領鄉薦部咨未就父命
共赴江左傳示珍璜以爾輩幸縮半通邀祿糈當以

樽節愛養爲務珍瓊凜然旋解組歸里宦囊蕭索晏如也子國鏞候選縣丞

徐立正字丹懷雍正甲辰武進士乾隆九年籤掣四川成都府守備旋護成都叅將印時瞻對用兵需軍裝帳房火藥急正晝夜營備又需竹蓆數萬床正一晝夜買備提督武加器重焉十三年委署泰甯協都司旋護泰甯副將印泰甯適有陣亡骸骨存古刹正悉令安埋又爾時夷人入流者子弟從未應試正詳請考試以彰教化未幾署阜和營游擊時土司阿旺勞

蘄水縣志

卷之十一

武勳

十四

丁無主部落互相構隙妄起兵端提督岳具奏頒行各部種印信委牌飭正赴阿旺勞丁之長女桑結任嗎處頒賜桑結任嗎酬以良馬金帛正申明大義無所取十四年十一月題補冕山營都司十六年十月委署建昌中營游擊一日甯遠失火延燒甚正請用以火攻火法以烏鎗數百對火排放火應鎗而息總鎮董奇之十九年四月制軍開提督岳考驗以心地明白辦事勤敏保舉赴部閏九月引

見奉

旨准註冊候陞二十二年二月兵部籤掣廣西桂林營參將由是辭蜀赴粵將抵粵疾大作仆跌於大溶江更時方甦正力求致仕制軍陳以患病入

奏奉

旨休致正歷任川廣十四五年矣猶負夙逋除朝衣冠帶外竟無餘物歸里數月卒子道泰廩生道豐庠生

駱文璜字珍渭幼好讀書每思奮志功名爲國効勞叔父彤獻見其器宇不凡獨加珍愛之康熙丁酉舉於鄉中丁未武進士授甘肅涼州鎮松山營守備歷署

斬水縣志

卷之十一

武勳

五

三眼井都司上憲嘉其訓練嫻熟委署鎮番營遊擊後以勞疾歸里西涼送者皆泣下殆其撫恤所感歟潘成玉字德璋乾隆十八年因其祖昆友被事隨適嶺南寓廣州時年方八歲越數年昆友卒於廣成玉營葬畢旋往滇之威靈州越十二年值緬匪倡逆以貴州行伍隨大軍馘賊深入所向有功往返金沙江外四千餘里瘴癘衝突卒不害回營千總擢古州營守備又四年隨大學士公阿征大小金川其地六月積雪陰崖窮谷萬仞直下沿山皆石礪飛礮人行兩山

間亭午夜分不見曦月下多叢筍水深不測渡則以皮爲舟如鸕鶿狀守禦之備利於中國抗

王師五載始就擒馘其間若羅博瓦括爾崖諸戰績成玉之勇畧居多將軍豐陷陣賊兵如堵墻成玉單騎拯之又乘間道襲虜巢大軍隨至遂平其地千餘里置爲縣將軍額駙交章薦之擢都司乾隆四十年大軍凱旋經成都成玉情懇歸里省墓借補湖北道士泐營都司越二年入

觀仰蒙

斬水縣志

卷之十

武勲

十六

天語褒嘉晉廣東右營遊擊會郡城門災沿於藩庫成玉率所部撲滅之廣州濱海大盜梁亞香等糾黨數千人出入海洋焚劫商賈成玉率部屬殲擒之而赦其爲從者粵人戴如父母旋晉廣東中營叅將人

觀路經本籍遠染癥瘕卒於武昌縣樊口妻族杜家年三十有六以其堂姪祿武嗣

以上蘇志原根

欽差大臣官委輸餉募勇進勦英霍賊庚申由汝南等處隨營至甘肅辦理軍務同治甲子克復甘肅平涼等城

以出力蒙陝甘制軍熙固原提督雷會保以府經歷
用加通判銜旋投烏里雅蘇臺軍中受知於將軍金
留營辦理營務箋奏擘畫多出震手已巳攻克甯夏
縣屬庚午攻克王家疇辛未辦勦西岸三縣回務及
肅州等處迨將軍奉

命出關震籌備糧餉贊助軍謀任勞任怨不遺餘力逮度戈
壁踰天山由巴里坤進紮濟木薩規復烏魯木齊分
派各營進紮三臺滋泥泉兼顧後路運道步步爲營
聯絡一氣自是關隴肅清蒙奏保

蘄水縣志

卷之十一

武勳

十七

賞戴花翎以道員留蜀儘先題奏復奉

旨賞加按察使銜

恩給正三品封典光緒二年因父諱奔喪歸里將軍金以克
復烏魯木齊各城出力保奏奉

旨賞加二品頂戴封贈如例旋以疾卒於家